

Давлат грантлари ажратишнинг тартиби ва шартлари тўғрисида НИЗОМ

I. Умумий қоидалар

1. Ушбу Низом “Нодавлат нотижорат ташкилотлари фаолиятининг кафолатлари тўғрисида”ги ва “Ижтимоий шериклик тўғрисида”ги Ўзбекистон Республикаси қонунлари ва бошқа қонун ҳужжатларига мувофиқ ишлаб чиқилган.

2. Ушбу Низом нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтларига (бундан буён матнда фуқаролик жамияти институтлари деб юритилади) давлат грантини ажратиш тартиби ва шартларини белгилайди.

3. Давлат грантларини ажратиш тегишинча Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди маблағларини бошқариш бўйича Парламент комиссияси (бундан буён матнда Парламент комиссияси деб юритилади), Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари ҳузуридаги ижтимоий шериклик бўйича жамоат комиссиялари (бундан буён матнда Жамоат комиссиялари деб юритилади) қарорлари асосида Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди (бундан буён матнда Олий Мажлиси ҳузуридаги Жамоат фонди деб юритилади), Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари ҳузуридаги нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш Жамоат фондлари (бундан буён матнда маҳаллий Кенгашлар ҳузуридаги Жамоат фондлари деб юритилади) орқали амалга оширилади.

4. Давлат грантлари фуқаролик жамияти институтларининг ижтимоий фойдали мақсадларга эришишга қаратилган лойиҳаларини амалга ошириш учун пул маблағлари ва моддий ресурслар кўринишида танлов асосида берилади.

II. Давлат грантлари танловларини ташкил этиш ва ўтказиш

5. Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари ушбу Низомдаги тартиб ва шартлар асосида лойиҳаларни давлат гранти шаклида қўллаб-қувватлаш учун очиқ танловларни ташкил этади.

6. Парламент комиссияси, Жамоат комиссиялари тегишинча давлат грантлари танловларининг умумий сонини, асосий мавзулари ва йўналишларини, ўтказиш муддатларини, ҳар бир мавзудаги давлат гранти танловига ажратилган маблағларнинг аниқ ҳажмини ишлаб чиқади, муҳокама қилади ва ўз қарорлари билан тасдиқлайди.

7. Танловлар мавзуси ва йўналишлари фуқаролик жамиятини ривожлантириш ҳамда мамлакатни демократик янгилаш ва модернизация

қилишнинг устувор йўналишларини амалга оширишда давлат органларининг айна вақтда имконияти ва ресурслари етишмаётган долзарб масалаларни ҳал этишга қаратилади.

8. Парламент комиссияси, Жамоат комиссиялари танловлар ўтказиш борасидаги ўз қарорларини уч кунлик муддат ичида тегишинча Олий Мажлис ҳузуридаги Жамоат фондига ва маҳаллий Кенгашлар ҳузуридаги Жамоат фондларига ижро учун юборади.

9. Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондлари давлат гранти бериш учун танловлар ҳақида 1-иловага мувофиқ шаклда оммавий ахборот воситаларида танлов бошланишидан 3 кун муддат ичида эълон беради.

III. Давлат гранти танловларида иштирок этиш талаблари ва лойиҳаларни тақдим қилиш шартлари

10. Танловда иштирок этишга талабгор фуқаролик жамияти институтлари (бундан буён матнда талабгор ташкилот деб юритилади), танлов ҳақидаги эълонда кўрсатилган муддат ичида тегишинча Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондларига қуйидаги ҳужжатларни тақдим этадилар:

– танловга ҳужжатлар тақдим этилаётганлиги тўғрисида йўлланма мурожаат (кузатув) хати;

– ушбу Низомнинг 2-иловасига мувофиқ тасдиқланган шаклда давлат гранти доирасида амалга ошириладиган лойиҳани ўз ичига олган талабгор ташкилотнинг аризаси (буюртманома);

– охириги ўзгартиш ва қўшимчалар билан рўйхатга олинган, ҳар бир варағи талабгор ташкилот раҳбарининг имзоси ва муҳри билан тасдиқланган устав (низом)нинг нусхаси;

– талабгор ташкилот раҳбарининг имзоси ва муҳри билан тасдиқланган ташкилотнинг давлат рўйхатидан ўтганлиги, фуқароларнинг ўзини ўзи бошқариш органининг ҳисобга олинганлиги тўғрисидаги гувоҳнома нусхаси;

– Ўзбекистон матбуот ва ахборот агентлиги ҳамда унинг ҳудудий бошқармаларида оммавий ахборот воситаси сифатида рўйхатдан ўтганлиги тўғрисидаги гувоҳноманинг нусхаси (оммавий ахборот воситалари учун);

– талабгор ташкилот раҳбарининг имзоси ва муҳри билан тасдиқланган тегишли лицензиянинг нусхаси (лицензияланадиган фаолият тури билан шуғулланиш талаб этилган ҳолларда);

Талабгор ташкилот ушбу банднинг биринчи қисмида кўрсатиб ўтилганлардан ташқари лойиҳани амалга оширишдан манфаатдор давлат ва бошқа ташкилотларнинг тавсияномалари, қўллаб-қувватлаш хатларини ҳам тақдим этиши мумкин.

11. Талабгор ташкилот мазкур Низомнинг 2-иловасига мувофиқ тасдиқланган шаклдаги ариза (буюртманома)да тегишли маълумот, кўрсаткич ва рақамларни аниқ кўрсатиши шарт.

12. Қуйидаги талабгор ташкилотларга танловда иштирок этишга йўл қўйилмайди:

– тугатилган ёки тугатиш жараёнида турган;

– танловда иштирок этиш учун барча зарур ҳужжатларни белгиланган муддатда тақдим этмаган;

– илгари амалга оширган лойиҳалари юзасидан Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондларидан қарздорлиги мавжуд бўлган, шунингдек Парламент комиссияси ва Жамоат комиссияларининг аниқланган камчиликларни баратараф этиш ҳақидаги талабларини ўз вақтида ва лозим даражада бажармаган;

– муқаддам Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондлари томонидан лойиҳани молиялаштириш учун давлат гранти ажратилган бўлиб, ушбу лойиҳа муддати тугамаган бўлса.

13. Ушбу Низомнинг 12-бандига мувофиқ танловда иштирок этишга қўйилмаган талабгор ташкилотларнинг топширган ҳужжатлари кўрмасдан қолдирилади.

IV. Лойиҳаларни ҳисобга олиш ва ҳисоботини юритиш

14. Талабгор ташкилотларнинг лойиҳалари тегишинча Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондларининг ижро этувчи девонларида варақлари рақамланган, ип ўтказиб тикилган ва тегишли имзо билан тасдиқланган махсус дафтарда рўйхатга олинади.

15. Ҳужжат қабул қилишнинг эълонда кўрсатилган охириги муддати тугаган кундан эътиборан 20 иш куни мобайнида Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондларининг ижро этувчи девони томонидан рўйхатга олинган лойиҳалар баҳолаш ҳамда ижтимоий ва умум аҳамиятини аниқлаш мақсадида Парламент комиссиясига, Жамоат комиссияларига юборилади, ушбу Низомнинг 12-бандига кўрсатилган талабгор ташкилотларнинг лойиҳалари бундан мустасно.

16. Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондларининг ижро этувчи девонида талабгор ташкилотлар лойиҳаларининг статистик ҳисоби ва ҳисоботи, лойиҳаларда аниқланган асосий камчиликлар кўрсатилган таҳлилий маълумотномалар тайёрланади. Таҳлилий маълумотномалар Парламент комиссиясига ва Жамоат комиссияларига лойиҳалар билан бир вақтда тақдим этилади.

V. Лойиҳаларни кўриб чиқиш, баҳолаш, уларнинг ижтимоий ва умум аҳамиятини аниқлаш мезонлари

17. Парламент комиссиясига ва Жамоат комиссияларига келиб тушган лойиҳалар бир ойлик муддат ичида Нодавлат нотижорат ташкилотлари, оммавий ахборот воситалари ва фуқаролик жамияти бошқа институтлари лойиҳаларининг ижтимоий ва умум аҳамиятини аниқлаш бўйича Ишчи гуруҳлари (бундан буён матнда Ишчи гуруҳи деб юритилади) томонидан кўриб чиқилади.

Лойиҳаларни кўриб чиқиш учун қўшимча материаллар сўраб олиш ёхуд бошқа чора-тадбирлар кўриш зарур бўлган ҳолларда, уларни кўриб чиқиш муддатлари Парламент комиссияси раиси, Жамоат комиссиялари раислари томонидан истисно тариқасида узоғи билан бир ойга узайтирилиши мумкин.

Ишчи гуруҳи:

– тақдим этилган лойиҳаларни саралайди, уларнинг танлов мақсадларига

мувофиқлигини ҳамда ижтимоий ва умум аҳамиятини аниқлайди;

– ушбу Низомда белгиланган мезонлар бўйича балл бериш орқали лойиҳаларни дастлабки тарзда баҳолайди;

– бошқаларга нисбатан энг юқори балл тўплаган лойиҳалар рўйхатини шакллантиради ва улар юзасидан таклифни Парламент комиссиясига, Жамоат комиссияларига тақдим этади.

18. Ишчи гуруҳи қуйидаги йўналишлар бўйича ишлаб чиқилган мезонлар асосида лойиҳаларни баҳолайди:

– талабгор ташкилотнинг ташкилий фаолияти қонун ҳужжатларига ҳамда танлов мақсадларига мувофиқлиги;

– талабгор ташкилотнинг етарлича ресурс базасига эгаллиги;

– лойиҳанинг ижтимоий аҳамияти, маълумотларнинг асослилиги ва ҳаққонийлиги;

– лойиҳани амалга оширишда ижтимоий шерикликнинг назарда тутилиши;

– лойиҳа бюджетининг лойиҳа мазмунига мувофиқлиги ва уни асослантирилганлиги.

19. Талабгор ташкилотнинг ташкилий фаолияти қонун ҳужжатларига ҳамда танлов мақсадларига мувофиқлиги қуйидагилар билан белгиланади:

– талабгор ташкилотнинг юридик шахс сифатида давлат рўйхатидан ўтганлиги, фуқароларнинг ўзини ўзи бошқариш органининг ҳисобга олинганлиги;

– оммавий ахборот воситасининг Ўзбекистон матбуот ва ахборот агентлиги ҳамда унинг ҳудудий бошқармаларида рўйхатга олинганлиги (оммавий ахборот воситалари учун);

– талабгор ташкилотнинг тегишли лицензияга эгаллиги, лицензиянинг амал қилиш муддати ўтмаганлиги (лицензияланадиган фаолият учун);

– талабгор ташкилотнинг тугатилмаганлиги ёки тугатиш жараёнида турмаганлиги;

– талабгор ташкилотнинг нодавлат ноижорат ташкилотлари, оммавий ахборот воситалари, фуқароларнинг ўзини ўзи бошқариш органлари ва бошқа фуқаролик жамияти институтлари тизимига кириши;

– лойиҳани амалга ошириш талабгор ташкилотнинг устави (низоми) талабларига мувофиқлиги;

– талабгор ташкилот фаолиятида унга давлат гранти ажратиш учун тўсқинлик қилувчи қўпол қонунбузарлик ҳолатларининг мавжуд эмаслиги.

Ушбу бандда кўрсатилган ҳолатлар талабгор ташкилот тақдим этган таъсис ҳужжатлари, гувоҳномалар, лицензиялар нусхалари, шунингдек Ўзбекистон Республикаси Адлия вазирлиги, Маҳалла ва нурунийларни қўллаб-қувватлаш вазирлиги, Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги ҳамда уларнинг ҳудудий органларидан, бошқа ташкилотлардан олинган маълумотлар асосида ўрганиб чиқилади.

20. Талабгор ташкилотнинг етарлича ресурс базасига эгаллиги қуйидагилар билан белгиланади:

– ўтган уч йил давомида танловларда ғолиб бўлмаган талабгор ташкилотнинг лойиҳасида сўралаётган пул маблағлари ёки моддий ресурслар умумий суммасининг 10 фоизидан кам бўлмаган миқдордаги шахсий ёки ҳамкорлар

улушининг мавжудлиги;

– ўтган уч йил давомида танловларда бир маротаба ғолиб деб топилган ва иккинчи маротаба танловда иштирок этаётган талабгор ташкилотнинг лойиҳасида сўралаётган пул маблағлари ёки моддий ресурслар умумий суммасининг 20 фоизидан кам бўлмаган миқдордаги шахсий ёки ҳамкорлар улушининг мавжудлиги;

– ўтган уч йил давомида танловларда икки маротаба ғолиб деб топилган ва учинчи маротаба танловда иштирок этаётган талабгор ташкилотнинг лойиҳасида сўралаётган пул маблағлари ёки моддий ресурслар умумий суммасининг 30 фоизидан кам бўлмаган миқдордаги шахсий ёки ҳамкорлар улушининг мавжудлиги;

– ўтган уч йил давомида танловларда ғолиб деб топилиб, уч ва ундан кўп маротаба давлат иқтисодий кўмагини олган талабгор ташкилотнинг лойиҳасида сўралаётган пул маблағлари ёки моддий ресурслар умумий суммасининг 50 фоизидан кам бўлмаган миқдордаги шахсий ёки ҳамкорлар улушининг мавжудлиги;

Ушбу бандда кўрсатилган ҳолатлар талабгор ташкилотнинг аризаси (бююртманомаси)даги кўрсаткичлар, шу жумладан талабгор ташкилот, унинг ҳамкорларининг моддий ва номоддий ҳиссаси (жалб этилаётган маблағ ва ресурс миқдори) тўғрисида кўрсатилган маълумотлар асосида ўрганиб чиқилади.

21. Лойиҳанинг ижтимоий аҳамияти, маълумотларнинг асослилиги ва ҳаққонийлиги қуйидагилар билан белгиланади:

– лойиҳанинг мақсад ва вазифаси танлов мавзусига ҳамда танлов йўналишларидан бирига мувофиқ келиши;

– тақдим этилган лойиҳанинг ижтимоий долзарблиги;

– лойиҳа доирасида кўтарилган долзарб масалани ҳал этиш механизмнинг аниқ кўрсатилганлиги;

– лойиҳани амалга ошириш ижтимоий-иқтисодий ривожлантириш дастурларининг, шу жумладан тармоқ ва ҳудудий дастурларнинг ижросига кўмаклашиши;

– лойиҳани талабгор ташкилот томонидан амалга ошира олиш имконияти реаллиги;

– лойиҳани амалга оширишнинг маҳсули, унинг самараси ва ижтимоий таъсири, кутилаётган натижанинг сифат ва миқдорий кўлами.

Ушбу бандда кўрсатилган ҳолатлар талабгор ташкилотнинг аризаси (бююртманомаси)да кўрсатилган лойиҳанинг мазмуни, мақсади, вазифаси ва бошқа маълумотлар, кўрсаткичлар асосида ўрганиб чиқилади, лойиҳа ижтимоий-иқтисодий ривожлантириш дастурлари билан солиштирилади ҳамда тегишли Парламент комиссияси, Жамоат комиссияси аъзосининг ички комил ишончи бўйича баҳоланади.

22. Лойиҳани амалга оширишда ижтимоий шерикликнинг назарда тутилиши қуйидагилар (қуйидагилардан бири) билан белгиланади:

– лойиҳа доирасида ижтимоий-иқтисодий ривожлантириш дастурларини, норматив-ҳуқуқий ҳужжатларни ишлаб чиқиш ҳамда амалга оширишда иштирок этишнинг назарда тутилганлиги;

– лойиҳа доирасида давлат органлари ҳузуридаги ишчи гуруҳлар,

комиссиялар ва жамоатчилик-маслаҳат органлари фаолиятида қатнашишнинг назарда тутилганлиги;

– лойиҳа доирасида давлат органлари билан биргаликда тадбирлар, маслаҳатлашувлар ва музокараларни ўтказишнинг назарда тутилганлиги;

– лойиҳа доирасида давлат органлари билан ижтимоий шериклик тўғрисида битим ва шартномаларни тузиш, биргаликдаги лойиҳа ва режаларни ишлаб чиқиш ҳамда амалга оширишнинг назарда тутилганлиги;

– лойиҳа доирасида давлат органлари билан ўқув-услубий, ахборот, маслаҳат ва ташкилий жиҳатдан ўзаро қўллаб-қувватлаш ҳамда ахборот алмашиш тизимининг назарда тутилганлиги.

Ушбу бандда кўрсатилган ҳолатлар талабгор ташкилотнинг аризаси (бююртманомаси)да кўрсатилган маълумотлар, шунингдек талабгор ташкилот кўшимча равишда тақдим этган манфаатдор давлат ташкилотларининг тавсияномалари, қўллаб-қувватлаш хатлари асосида ўрганиб чиқилади.

23. Лойиҳа бюджетининг лойиҳа мазмунига мувофиқлиги ва уни асослантирилганлиги қуйидагилар билан белгиланади:

– лойиҳа смета харажатлари мақсадли ва асосли тузилганлиги, ортиқча харажатларга йўл қўйилмаганлиги;

– лойиҳа ижрочиларининг меҳнатига тўланадиган ҳақ, моддий-техника базасини мустаҳкамлашга йўналтирилган маблағ ва бошқа харажатларнинг (алоқа, коммунал хизмат, сафар ва банк харажатлари) йиғиндиси сўралган грант маблағи жами суммасининг қоида тариқасида 40 фоиздан кўп эмаслиги (яъни асосий маблағнинг ижтимоий ва умум аҳамиятга молик мақсадларга йўналтирилганлиги).

Ушбу бандда кўрсатилган ҳолатлар талабгор ташкилотнинг аризаси (бююртманомаси)да кўрсатилган лойиҳанинг умумий бюджети ҳамда бошқа маълумот ва кўрсаткичлар асосида ўрганиб чиқилади.

24. Лойиҳаларнинг танлов мақсадларига мувофиқлигини ҳамда уларнинг ижтимоий ва умум аҳамиятини аниқлашда Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондлари томонидан тайёрланган тахлилий маълумотномалар ҳам ўрганиб чиқилади.

25. Парламент комиссияси, Жамоат комиссиялари лойиҳаларни кўриб чиқиш, баҳолаш, уларнинг ижтимоий ва умум аҳамиятини аниқлаш жараёнига давлат органлари ва нодавлат нотижорат ташкилотлари, илмий муассасаларнинг вакиллари, мутахассислар ва олимлардан иборат тегишли йўналишлар бўйича касбий ва ҳаётий тажрибага эга бўлган экспертларни жалб қилиши мумкин.

26. Лойиҳа мазкур Низомнинг 20-23-бандларида кўрсатилган талабларга тўлиқ жавоб бермаган тақдирда, тегишли йўналиш бўйича унга қўйиладиган балл пасайтирилади, бироқ бошқаларга нисбатан юқори балл тўплаган талабгор ташкилот ғолиблар рўйхатида қолдирилади.

Талабгор ташкилотнинг ташкилий фаолияти мазкур Низомнинг 19-бандида кўрсатилган талабларга жавоб бермаса, унинг якуний баллари натижасидан қатъий назар ғолиблар рўйхатидан чиқарилади.

27. Ишчи гуруҳи лойиҳаларнинг ижтимоий ва умум аҳамиятини аниқлагандан сўнг бошқаларга нисбатан энг юқори балл тўплаган лойиҳалар юзасидан ўзининг таклифини тайёрлайди.

Ишчи гуруҳининг таклифи кўриб чиқиш учун тегишлича Парламент комиссиясига, Жамоат комиссияларига тақдим этилади.

Ишчи гуруҳининг таклифида кўрсатилан энг юқори балл тўплаган лойиҳалар рўйхати тавсиявий ҳисобланади. Ишчи гуруҳи томонидан лойиҳаларга берилган баҳога (баллга) Парламент комиссияси, Жамоат комиссияларининг аъзолари рози бўлмаган тақдирда, улар исталган лойиҳани ўрганиб чиқиши, Ишчи гуруҳининг таклифида кўрсатилганидан бошқача баҳо (балл) беришни таклиф этиши мумкин.

Шунингдек юқори балл тўплаб, ғолиблар рўйхатида турган талабгор ташкилотга нисбатан давлат грантини ажратиш учун тўсқинлик қилувчи ҳолатлар мавжуд бўлса, бу ҳақдаги маълумотга эга бўлган Парламент комиссияси, Жамоат комиссиялари аъзолари ва бошқа манфаатдор шахслар тегишинча Парламент комиссиясига ёки Жамоат комиссияларига мурожаат қилиши мумкин.

28. Парламент комиссияси, Жамоат комиссиялари ўз аъзоларининг ва бошқа манфаатдор шахсларнинг мурожаатига асосан лойиҳаларни кўшимча тарзда ўрганиб чиқиш ҳақида қарор қабул қилиши ҳамда ўрганишнинг асосий йўналишларини белгилаб бериши мумкин.

Кўшимча ўрганиб чиқиш талаб қилинмаган ҳолларда Парламент комиссияси, Жамоат комиссиялари ғолиб лойиҳалар рўйхатини, ҳар бир лойиҳанинг номи, суммаси, талабгор номи кўрсатилган ҳолда тасдиқлайди.

29. Парламент комиссиясининг, Жамоат комиссияларининг танлов ғолиблари тўғрисидаги қарори баённома билан расмийлаштирилади ва қарор билан тасдиқланади. Қарорнинг кўчирма нусхаси ижро этиш учун тегишинча Олий Мажлис ҳузуридаги Жамоат фонди ва маҳаллий Кенгашлар ҳузуридаги Жамоат фондларига уч кунлик муддат ичида юборилади.

30. Талабгор ташкилот тақдим этган лойиҳа ҳамда тегишинча Парламент комиссияси ва Жамоат комиссияларининг қарорлари Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари томонидан лойиҳаларни молиялаштириш учун асос ҳисобланади.

31. Парламент комиссияси, Жамоат комиссиялари танлов ғолибларини аниқлаган кундан эътиборан уч иш куни ичида унинг натижалари тегишинча Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари томонидан уларнинг веб-сайтларида, оммавий ахборот воситаларида эълон қилинади.

Шунингдек, танловда ғолиб бўлмаган талабгорларнинг лойиҳаларида йўл қўйилган асосий камчиликлар Парламент комиссияси ва Жамоат комиссиялари йиғилишида таҳлил қилиниб, унинг натижаси бўйича ахборот Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондларининг веб-сайтларида эълон қилиниши мумкин.

VI. Лойиҳаларни молиялаштириш ва уларнинг ҳисобини юритиш

32. Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари қарорлар ижро учун келиб тушган кундан эътиборан 15 кун муддат ичида давлат гранти доирасида маблағ ажратиш ёки моддий ресурсларни бериш тўғрисидаги икки томонлама шартнома лойиҳасини ва давлат гранти ғолиби сертификатини тайёрлайди. Ғолиблик сертификатининг ҳамда шартноманинг намунавий шакли Парламент комиссияси томонидан

белгиланади.

Ғолиблик сертификати фуқаролик жамияти институтларига тантанали равишда топширилади.

Икки томонлама шартномалар имзолангандан кейин 10 кунлик муддат ичида давлат гранти доирасидаги маблағлар ғолибларнинг ҳисоб рақамига тўлиқ ўтказиб берилади, моддий ресурслар эса белгиланган тартибда топширилади.

Шартнома имзоланган кундан эътиборан давлат грантини амалга ошириш бошланган ҳисобланади ва шартномада кўрсатилган муддатда якунланади (асослантирилган сабабларга кўра лойиҳа муддатини узайтириш ҳоллари бундан мустасно).

33. Лойиҳа муддатини узайтиришга давлат гранти лойиҳасини амалга ошираётган фуқаролик жамияти институтларининг ёзма асослантирилган мурожаатларига асосан тегишинча Парламент комиссияси ҳамда Жамоат комиссиялари томонидан рухсат берилади.

34. Давлат гранти лойиҳасини амалга ошираётган фуқаролик жамияти институтлари ажратилган маблағлардан самарали, оқилона ва мақсадли фойдаланишлари ҳамда бу борадаги ҳисоботни белгиланган тартиб ва муддатларда Олий Мажлис ҳузуридаги Жамоат фондига, маҳаллий Кенгашлар ҳузуридаги Жамоат фондларига тақдим этишлари лозим.

Фойдаланилган маблағлар юзасидан ҳисобот тақдим этиш ҳамда давлат гранти маблағларидан оқилона ва мақсадли фойдаланилишини мониторинг қилиш тартиби Парламент комиссияси томонидан белгиланади.

35. Амалга ошириш муддати тугаган лойиҳалар бўйича ҳужжатлар Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари томонидан белгиланган тартибда архивга топширилади.

(Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари кўрсатилади)

мавз

усида

Давлат гранти учун танлов эълон қилади.

Танловда нодавлат ноижорат ташкилотлари, оммавий ахборот воситалари ва фуқаролик жамияти бошқа институтларининг (бундан буён матнда талабгор ташкилот деб юритилади) қўйидаги йўналишлардаги лойиҳалари кўриб чиқиш учун қабул қилинади:

1. _____
2. _____
3. _____
4. _____
5. _____
6. _____
7. _____
8. _____
9. _____

Танловда қатнашиш учун қўйидаги ҳужжатлар тақдим этилиши лозим:

1. Лойиҳа тақдим этилаётганлиги ҳақида талабгор ташкилот раҳбарининг имзоси ва муҳри билан тасдиқланган кузатув хати.
 2. www.fundngo.uz сайтида жойлаштирилган шаклда ёзилган грант лойиҳаси (аризаси).
 3. Талабгор ташкилотнинг давлат рўйхатидан ўтганлиги, фуқароларнинг ўзини ўзи бошқариш органининг ҳисобга олинганлиги тўғрисидаги гувоҳнома нусхаси (талабгор ташкилот раҳбарининг имзоси ва муҳри билан тасдиқланган).
 4. Устав (низом) нусхаси (охирги ўзгартиш ва қўшимчалар билан рўйхатга олинган ва ҳар бир варағи талабгор ташкилот раҳбарининг имзоси ва муҳри билан тасдиқланган).
 5. Талабгор ташкилотнинг оммавий ахборот воситаси сифатида рўйхатдан ўтганлиги тўғрисидаги гувоҳнома нусхаси (оммавий ахборот воситалари учун);
 6. Агар лойиҳа доирасида лицензияланадиган фаолият билан шуғулланиш талаб этилса, лицензия нусхаси (талабгор ташкилот раҳбарининг имзоси ва муҳри билан тасдиқланган).
 7. Лойиҳани амалга оширишдан манфаатдор давлат ташкилотлари ва бошқа ташкилотларнинг тавсияномалари, қўллаб-қувватлаш хатлари илова қилиниши мумкин.
- Битта лойиҳа учун ажратиладиган грант миқдори - _____ сўмгача.
Ҳужжатлар _____ йил _____ дан _____ гача ҳар куни (дам олиш ва байрам кунларидан ташқари) соат 9-00 дан 18-00 гача қабул қилинади.

Танлов бўйича ҳужжатлар муҳрланган конвертда (А4 формат): _____ шаҳри, _____

(индекс)

_____ да жойлашган

(манзил)

НОМИГА

(Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари кўрсатилади)

юборилиши шарт.

Танловда иштирок этиш шартлари ва танлов ҳужжатларининг намуналари билан _____ расмий

(Олий Мажлис ҳузуридаги Жамоат фонди, маҳаллий Кенгашлар ҳузуридаги Жамоат фондлари веб-сайти кўрсатилади)

веб-сайтларида танишиш мумкин.

Маълумот учун тел:

Давлат гранти танловида иштирок этиш учун

(нодавлат ногажорат ташкилоти, оммавий ахборот воситаси ва фуқаролик жамияти бошқа институтининг номи)

АРИЗА (БУЮРТМАНОМА)СИ

1. УМУМИЙ МАЪЛУМОТЛАР	
1.1. Ариза юборилаётган танловнинг мавзуси	
1.2. Танловнинг йўналиши (номинацияси)	
1.3. Лойиҳанинг номи	
1.4. Талабгор ташкилотнинг номи (таъсис ҳужжатларига мувофиқ тўлиқ кўрсатилади)	
1.5. Фаолиятини амалга оширадиган ҳудуд (вилоят, туман, шаҳар) номи	
1.6. Талабгор ташкилотнинг реквизитлари (юридик ва почта манзили, телефон, факс, веб-сайт, электрон манзили ва бошқ.)	
1.7. Раҳбарининг Ф.И.Ш, лавозимининг тўлиқ номи ва алоқа реквизитлари (яшаш манзили, электрон манзили, телефон рақамлари, ш.ж. уяли телефон рақами коди билан)	
1.8. Бухгалтернинг Ф.И.Ш. лавозимининг тўлиқ номи ва алоқа реквизитлари (яшаш манзили, электрон манзили, телефон рақамлари, ш.ж. уяли телефон рақами коди билан)	
1.9. Талабгор ташкилотнинг тасдиқланган штат жадвалидаги лавозимлар	
1.10. Лойиҳани амалга ошириш муддати (бошланиш санаси – тугаш санаси)	
1.11. Сўралаётган маблағ ёки моддий ресурсининг умумий суммаси (қисқартирмаган ҳолда);	
1.12. Жалб қилинадиган маблағ ёки моддий ресурсининг умумий суммаси (қисқартирмаган ҳолда).	
2. ЛОЙИҲАНИНГ МАЗМУНИ	
2.1. Муаммонинг қўйилиши (мавжуд ижтимоий муаммо, унинг кўлами, аҳамияти, мақсадли гуруҳи ва лойиҳани амалга ошириш зарурлигини баён этиш, бир бетдан	

<i>ошмайдиган ҳажмда);</i>					
2.2. Лойиҳанинг мақсадлари (<i>кўпи билан 3 та асосий мақсад кўрсатилади</i>)					
2.3. Лойиҳанинг асосий вазифалари (<i>лойиҳа доирасида амалга ошириладиган кўпи билан 5 та асосий вазифа кўрсатилади</i>)					
2.4. Лойиҳани амалга ошириш механизмлари (<i>лойиҳани амалга ошириш усуллари, шакллари ва бошқа механизмлари кўрсатилади</i>)					
2.5. Лойиҳани амалга оширишдан кутилаётган натижалар (<i>лойиҳани амалга ошириш натижасида эришиладиган самаранинг миқдори ва сифат кўрсаткичлари ҳамда таъсири</i>)					
2.6. Талабгор ташкилотнинг мазкур соҳадаги тажрибаси (<i>талабгор ташкилотнинг танланган мавзу бўйича тажрибаси, ютуқлари баён қилинади</i>)					
2.7. Ҳамкорлар ва уларнинг вазифалари (<i>агар мавжуд бўлса, талабгор ташкилотнинг лойиҳа доирасидаги ҳамкорлари ҳамда уларнинг вазифалари акс эттирилган ҳаракат режаси</i>)					
2.8. Талабгор ташкилот, унинг ҳамкорларининг қўшадиган ҳиссаси (<i>лойиҳа доирасида талабгор ташкилот, унинг ҳамкорларининг моддий ва номоддий ҳиссаси (жалб этилаётган маблағ ва ресурс миқдори)</i>)					
3. ЛОЙИҲАНИНГ УМУМИЙ БЮДЖЕТИ ш.ж. мавжуд қўшимча молиялаштириш манбалари (сўмда, қисқартирмаган ҳолда)					
№	Харажатлар моддаси номи	Сони ва нархи	Фондан сўралаётган сумма	Жалб қилинган маблағлар	
				Шахсий улуш	Ҳамкорлар улуши
3.1. Иш ҳақи ва унга тенглаштирилган тўловлар					
3.1.1.	Лойиҳа раҳбари				
3.1.2.	Тренер				
3.	Бухгалтер				

1.3.					
3. 1.4.	Консультантлар				
3. 1.5.	бошқалар.				
Яқун:					
3.2. Тадбирлар ўтказиши учун харажатлар					
3. 2.1.	Тадбир ўтказилиши учун канцелярия товарларини сотиб олиш (расшифровка илова қилиниши лозим)				
3. 2.2.	Ўқув тарғибот материалларни кўпайтириш ёки нашр қилиш (расшифровка илова қилиниши лозим)				
3. 2.3.	Бошқалар (расшифровка илова қилиниши лозим).				
Жами:					
3.3. Моддий-техник базани мустаҳкамлаш учун харажатлар					
3 .3.1.	Компьютер сотиб олиш				
3 .3.2.	Принтер				
3 .3.3.	Сканер				
3 .3.4.	Видеокамера				
3 .3.5.	Проектор				
3 .3.6	Офис мебеллари (расшифровка илова қилиниши лозим)				
3 .3.7	Бошқалар (расшифровка илова қилиниши лозим)				
Жами:					
3.4. Ўқув-ишлаб чиқариш ускуналари ва материалларини харид қилиши учун харажатлар					
3 4.1	Газ плитаси				
3 4.2	Электрпеч				
3 4.3.	Тикув машинаси				
3 4.4.	Оверлок				
3 4.5	Дазмол				

3. 4.6	Дазмол столи				
3. 4.7	Бошқалар (<i>расшифровка илова қилиниши лозим</i>)				
Жами:					
3.5. Бошқа харажатлар					
3. 5.1	Алоқа хизмати ва Интернет				
3. 5.2	Коммунал хизматлар				
3. 5.3.	Хизмат сафари харажатлари				
3. 5.4.	Банк харажатлари				
3. 5.5.	Бошқалар (<i>расшифровка илова қилиниши лозим</i>)				
Жами:					
Ҳаммаси (3.1 – 3.5 бўлимлар йиғинидиси)					
4. ЛОЙИҲАНИНГ КАЛЕНДАРЬ РЕЖАСИ					
№	Тадбир	Вақт муддати			
5. ТАЛАБГОР ТАШКИЛОТНИНГ РЕЗЮМЕСИ (талабгор ташкилот ҳақида қўшимча маълумот)					
5 .1.	Талабгор ташкилотнинг уставига мувофиқ тўлиқ номи (<i>ўзб, рус тилида</i>).				
5 .2.	Талабгор ташкилотнинг юқори бошқарув органи				
5 .3.	Талабгор ташкилотнинг асосий устав фаолияти.				
5 .4.	Талабгор ташкилотнинг асосий устав мақсадлари ва вазифалари				
5 .5.	Талабгор ташкилотнинг давлат рўйхатига олинганлиги, фуқароларнинг ўзини ўзи бошқариш органининг ҳисобга олинганлиги ҳақида маълумот (<i>санаси, рақами ва рўйхатга олувчи орган номи</i>)				
5 .6.	ОАВ сифатида рўйхатда турганлиги тўғрисида маълумот (<i>Ўзбекистон Матбуот ва ахборот агентлиги ёки унинг ҳудудий органларидан рўйхатдан ўтганлиги тўғрисидаги гувоҳнома санаси, рақами ва амал қилиш муддати</i>)				

	<i>кўрсатилади)</i>	
5 .7.	Талабгор ташкилотнинг лицензияси тўғрисида маълумот <i>(лицензия берган орган номи, лицензия рақами ва санаси ҳамда амал қилиш муддати кўрсатилади)</i>	
5 .8.	Лойиҳани амалга оширишдаги ижтимоий шериклар <i>(номи ва вазифалари кўрсатилади)</i>	
5 .9.	Банк реквизитлари <i>(ҳисоб рақами, МФО, ИНН, ОКОНХ, банк номи, банк манзили ва телефон рақами)</i>	
5 .10.	Амалга оширилган лойиҳалар талабгор ташкилот муқаддам золиб бўлиб чиққан давлат гранти танловлари сони ва номи кўрсатилади)	
6. ЎЗИНИ ЎЗИ НАЗОРАТ ҚИЛИШ ВА ЎЗИГА ЎЗИ БАҲО БЕРИШ (ЎЗИНИ ЎЗИ АУДИТ ҚИЛИШ)		
6 .1.	Лойиҳани амалга оширгунига қадар баҳолаш	
6 .2.	Лойиҳанинг қўйилган мақсадга эриша олиш имконияти	
6 .3.	Лойиҳанинг самараси, унинг харажатларининг асосли эканлигини исботлаш	
7. ЛОЙИҲАНИНГ ЯКУНИЙ ҚИСМИ		
7.1. Сана		
7.2. Ариза берган ташкилот раҳбарининг имзоси		
7.3. Ташкилот муҳри		